

us Zu Spehen und bin Jch wies niny gschlagen Selb Ander Jns Dorff Khnonau khon und des Melkers Sminds [=S c h m i d] Huss um gangen Aber nienen dar Jnne mer da Vornenfunden darnach für Ale Hüser und wyrztz Hüser gangen und glost. Und nach gantz für des U o l i s der Al[t]en Schaffneren Huss So bald Jch dar fürkhon Rett Sy zu Ein mans bild gar Lutt Als wans Sy by mir An der gassen wer von Alen den Sachen was Sy mitt der muren fer Louffen von Anfang Jren gfenknuss wie und was man uff gester Hey welen mitt Jren für nen Auch was du und gfatter Hauptman Hie niden us gricht wie Jr den m ü s l i die Schlüssel gnon da Sy fermeint Jren noch öpes zu werden Standen, wie Sy Jr vatter ... mitt Jren heim gnon und Sig der bott nach fieren wyder gen Khnonow khon und Hey zimlich gelt bracht So Jren Ettlich frauwen gschickt und fro Sigend dass Sy Erlöst Sey. Auch Ale anschleg So Sy vorhabens Sey, und mengerley So Jch beser muntlich mitt dyr reden wil So Jch wider heim khum dan Jch Jr gantz Leygent von der wirtin ghört us gnon das mich Ehin person ferthriben das Jch han nitt khönnen Ein wil losen wie und wer Sy Entlediget hey old wie Sy usen khon. Sunst hatt Sis als Erzelt der halben Jch nitt under lon khann dir Sölches zu zuschriben dann Sy für gwüss noch uff dem abett wirtt ... Jns Ulis Huss old das wib by Jren Jns schmids Huss gsyn Sin. Sy hatt gar vill grett Jch han Aber zwoimal müssen wichen dass Lütt khon Sind Sunst wett Jch All ding vernon han. Jch wil dich betten mitt Sampt gfatter Hauptman nütt zu zürnen und üwer fliss an zu kheren ob der Vogel noch möchte Jn Schlag khon dan die wirtin grett Sy wel Jn khein Khloster nymer mer".

1) Die Stadt Zug war in Frauenthal Kastvogt.

Original, Siegel flachgedrückt - AH 75, 180-181 - Blatt 181<sup>r</sup> leer

79

[1600?]

A

TESTAMENT EINES UNBEKANNTEN ZUGERS

"Jtem verordne unnd verschaffe ... Jch der [Pfarr-?]Kilchen zuo Seedorff Jnn Ury 10 gl. die Jren nach minem Todt an barem geldt sollen zugeschickht werden. Unnd das us uhrsachen diewyl Jch mehrertheils min gütlin Jn Ury überkhomen.

Derohalben unnd damit solchem Gemecht unnd miner ordnung Volziehung unnd usrichtung beschehen möge. So habe Jch mit sonderem flyss gebeten den ... Her-

ren Hanns Jacob S t o c k h e r n alten Amman der Statt Zug, desglichen zu Jme dem Peter S c h m i d t der Zyt Tütschen Schulmeistern alhie [in Zug]. Das sy also disen Artickhlen unnd Functen genugsame usrichtung thun sollen. Desglychen wo auch wir vorgemelt Ein Meidlin alher gebracht würde, Sollen sy Jre ordenliche wie ouch des Knaben Vogt sin, unnd Jrer Kheins ohne dero Rath und Vorwissen sich zuverehelichen macht haben solle. Davon Jnen auch gebürende belohnung werden solle.

Sovil dann Jne Peter Schmidt so mir Jnn miner sachen vilfaltigkhlichen gedienet. Will Jch Jme auch us Minem vorbehalt verordnen und geben, das er mit mir zufriden sin solle".

Auszug - AH 75, 182 - Blatt 182<sup>V</sup> leer

1612 Mai 1.

A

ABRECHNUNG<sup>1</sup> [WEGEN DER HINTERLASSENSCHAFT VON HANS BALTHASAR LETTER SELIG, VON ZUG]

"Mitt vetter Hans Caspar [L e t t e r] uberkhomen unnd grechnet, so Jst Jnnehmen unnd usgaben gegen einanderen wett uff.

Aber für die Zwey Khinder [des Hans Balthasar Letters selig, Maria Salome L e t t e r, Anna Maria L e t t e r] so er erzogen auch wegen syner grossen gehabtten müohe unnd Arbeit so Jst Jm versprochen ... [200] gl. von den französischen Zalungen allwegen ... [100] gl. bis er Zaltt.

Mitt vetter Hans Jacoben [L e t t e r] grechnet so blibtt man Jme schuldig Ann geldt ... [170] gl. die sollendt Jm us erster französischer Zalung erlegt werden.

Dannethin wegen der Zweyen Khindern [des Hans Balthasar Letters selig] so er erzogen auch gehebtter Arbeit so Jst Jm versprochen ... [200] gl. auch von den französischen Zalungen zu erlegen, allwegen ... [100] gl. bis er Zaltt.

Unnd syner frauwen [Veronika U t i g e r, von Baar] ein bschlaget köpffli Zum Trinckgeldt.

Hierby warent [Rats-]Seckelmeister [Kaspar] S c h e l l, ... [Stadt- und Amtsrat] Pauli K h o l i [n], Heinrich B r a n d e n b e r g, [Maria] Salome K h o l i n, Maria Salome Letterin unnd Jch [Stadtschreiber] Conradt [III.]